



**HOWARD**  
**CENTER**  
Help is here.

TAN IYO 1865



# **BUUG-GACMEEDKA MACMIILKA**

WERINTA SHANAAD

SOMALI

# Tixraac Degdeg ah



**Lambarka Muhiimka ee Xarunta Howard Center  
802-488-6000**

Khadka Helitaanka iyo Diiwaangelinta

La Heli Karo Isniinta-Jimcaha  
8:30 subaxnimo ilaa 5:00 galabnimo

**Qof kasta ayaa soo wici kara Xarunta Howard Center.**  
Waxaanu ku siin doonaa taageero, waxaan ka jawaabi  
doona su'aalahaaga, waxaana kugu xiri doona dhigaalada  
iyo adeegyada Xarunta Howard Center ama kuwa laga helo  
bulshada dhexdeeda.

**Sababaha soo noqnoqda ee la noo soo waco:**

- Raadsashada daaweyn ama la-talin
- Ka qabida welwel xaaladda ilmaha
- Rabitaanka taageerada loogu talagalay qoyska
- Helitaanka caawimaada loogu talagalay qabatinka  
mukhaadaraadka



**First Call for Chittenden County  
802-488-7777**

Khadka Dhibaatada

Furan 24/7/365

**Sababaha soo noqnoqda ee la noo soo waco:**

- Dareemada xad-dhaafka ah
- Ku fikirida is-dilka
- Maqlida codod la dhibsado
- Walaac degdeg ah aad ka qabto fayo-qabka qof aad  
jeceshahay

*Waxaa dib loo eegay Janaayo 2023*

*Sawirka jaldiga waxaa sameeyay farshaxamiistaha Arts Collective Rafad Amjad,  
"Journey to Peace"*

# Jadwalka Tusmooyinka

## KU SAABSAN XARUNTA HOWARD CENTER

BOGGA

Soo dhowow .....	4
Himiladeena .....	4
Sida Aan Kuu Caawin Karno .....	4
Aragtideena .....	5
Qiyamka Aasaasiga ah .....	5
Saacadaha Shaqada .....	5

## ADEEGYADA

Sida Caawimaad Loo Helo .....	6
Qaabdhismeedka Hay'adeed .....	7
Fikradda Macmiilka .....	7
Lacagaha loogu talagalay Adeegyada .....	8
Abuurida Jawiga Ammaanka ah. ....	9

## XUQUUQAHADKA MACMIILKA IYO MACLUUMAADKA

### SHARCIYEED

Qarsoodida Macluumaadka .....	11
Xuquuqaha Macaamiisha iyo Qoysaska .....	12
Mas'uuliyadaha Macaamiisha iyo Qoysaska .....	15
Soo-koobista Xeerka Anshaxa .....	15
Siyaasadaha iyo Habraacyada Cabashada iyo Racfaanka Macmiilka .....	18
Xafiiska Sharchiyeenta Xirfadleyaasha – Qabashada iyo Geedi-socodka Cabashada .....	20
Foomka Talada Macmiilka .....	22
Taxanaha Waxbarashada Bulshada, Hannaanka Waxbarasahada Guud .....	23

## MA JECLAAN LAHAYD INAAD ISDIWAANGELISO SI AAD U CODEYSO?

Haddii aadan u diwaangashanayn inaad codayso aadna jeclaan lahayd in lagaa caawiyo, fadlan kala hadal bixiyahaaga ama shaqaalahood hesho foomka diiwaangelinta. Si aad xaq ugu yeelato inaad ka codayso gudaha Vermont, waa inaad:

1. tahay muwaadin Ameerikaan ah;
2. deggan tahay Vermont aadna deggan tahay magaalada aad ka codsanayso in lagugu daro liiska hubinta; (AMA inaad tahay ciidan ama cod-bixiye dibbada ka codeeya ee hoos yimaada Shaqaalahood dawladda dhewe iyo Xeerka Codaynta Muwaadinta Ku Maqan Dibadda kaasoo goobtii ugu dambeysay uu degganaa ay tahay Maraykanka kahor inta uusan si degdeg ah ugu guurin dibbadana uu degganaa magaalada ama caasimada Vermont);
3. martay, ama horay u martay, Dhaarta Cod-bixiyaha; aadna
4. tahay 18 jir ama ka weyn tahay ama 18 jir noqon doonto maalinta doorashada ama kahor doorashada.

# Ku Saabsan Xarunta Howard Center



Ku soo dhawow Xarunta Howard Center! Waad ku mahadsan tahay inaad u dooratay Xarunta Howard Center inay adiga iyo/ama dadka aad jeceshahay idin daryeesho. Buug-gacmeedkan waxaa loogu talagalay inuu kugu wargeliyo wax ku saabsan Xarunta Howard Center, inuu kula wadaago waxa aan qiimayno, iyo inuu kuu sharraxo xuquuqahaaga iyo mas'uuliyadaha ku saaran. Waxaa lagu heli karaa dhowr luuqadood oo kala duwan, daabacaadda ballaaran, iyo qaab elektaroonig ama iimayl ahaan ah. Haddii aad ku rabto qaab kale ama haddii aad u baahan tahay macluumaad dheeraad ah, fadlan weydii xubin ka mid ah shaqaalaha ama ka wac khadkeena ugu muhiimsan lambarka 802-488-6000.

Anigoo ku hadlaya magaca qoyska Xarunta Howard Center, waxaan rajaynaynaa inaad u aragto adeegyadeena kuwa faa'iido kuu leh adiga iyo/ama qoyskaaga. Wuxaan ku dadaalnaa inaan bixino daryeelka iyo daaweynta si taxaddar leh, ixtiraam leh, oo wax-ku-ool u ah carruurta, dadka waaweyn, qoysaska, iyo bulshadeena. Waan kaaga mahadnaqaynaa inaad timaado Xarunta Howard Center waxaana ku rajo weynahay inaan ku soo biirno safarka fayo-qabkaaga.

Daacadnimo,

Beth Holden, MS, LCMHC, LADC  
Sarkaalka Sare ee Adeegyada Macmiilka

## HIMILADEENA

Waxaan ka caawinaa dadka iyo bulshooyinka inay kobcaan innagoo taageero iyo adeegyo siinayo si wax looga qabto caafimaadka maskaxda, isticmaalka maandooriyaha, iyo baahiyada korritaanka.

## SIDA AAN KUU CAAWIN KARNO

Xarunta Howard Center waxay ku leedahay taariikh dheer oo qani ah bixiye lagu kalsoonaan karo ahaan bulshadeena dhexdeeda ah. Iyadoo leh jiritaan dheer oo ah in ka badan 150 sanno, Xarunta Howard Center waxay siinaysay daryeel, taageero, iyo daaweyn horumar, naxariis, tayo sare leh xubnaha bulshadeena ee u baahan. Waxaa loo aasaasay 1865-kii hay'ad u adeegta carruurta saboolka ah ahaan, Xarunta Howard Center waxay hadda bixisaa caafimaadka dhimirka, isticmaalka muqaadaraadka, iyo adeegyada korriinka inta ay jirto oo dhan.

Shaqaalheena ka kooban 1,600 qof waxay ku bixiyaan gargaar iyo taageero in ka badan 60 goobood oo ku yaala afar degmo. In ka badan 19,000 macaamiil ah iyo xubnaha bulsheed ayaa noo yimid sannadkii hore si aan u siino caawimaad si ay ugu noolaadaan nolol caafimaad leh oo dhammaystiran.

## ARAGTIDEENA

Xarunta Howard Center ayaa hormuud qarameed u ah siinta taageerooyinka isku dhafan iyo kuwa aan kala go'a lahayn ee bulsheed ee loogu talagalay shakhsiyaadka, qoysaska, iyo bulshooyinka u baahan. **Caawin ayaa halkan laga heli karaa.**

## QIYAMKA AASAASIGA AH

- Macaamiisha ayaa leh ahmiyadda markaan go'aan gaarayno.
- Waxaa naga go'an fayo-qabka iyo guusha shaqsiga iyo midka guud.
- Mas'uuliyad ayaa naga saaran kheyraadka la nagu aaminay.
- Waan ku adadagnahay ku dhaqanka iyo raadsashada guusha sare.

Xarunta Howard Center waxaa ka go'an caafimaadka iyo badqabka macaamiisheena, shaqaalaheena, iyo bulshadeena. Fadlan weydii bixiyahaaga ama soodhaweynta wixii ku saabsan taxaddarrada badqab ee hadda jira. Fadlan ku nagow guriga markaad jirran tahay ama haddii aad isku aragto astaamo jirro. Haddii aad rabto inaad baajiso ballanta, waxaan kaa codsanaynaa inaad ogeysiis bixiso waqtii hore intii suurtagal ah. Ballamaha daryeelka caafimaadka ee fogaan-aragga ah waa la heli karaa marka la codsado.

## SAACADAH SHAQADA

Saacadaha shaqada ee caadiga ah ee goobaha Xarunta Howard Center way kala duwan yihiin laga bilaabo 8:30 subaxnimo ilaa 4:00 ama 5:00 galabnimo, Isniinta – Jimcaha, iyadoo goobaha iyo barnaamijyada gaarka ah la kordhin karo ama la dhimi karo saacadaha laga shaqeeyo. Saacadaha adeegga way kala duwanaan karaan waana kuwo dabacsan marka loo eego baahiyaha macmiilka. Adeegyada qaarkood, oo ay ku jiraan taageerada hoyga iyo adeegyada dhibaatada, waxaa la bixiyaa 24 saacadood maalintii, 7 maalmood toddobaadkii, 365 maalmood sannadkii.



## Lambarka Muhiimka ee Xarunta Howard Center

**802-488-6000**

Khadka Helitaanka iyo Diiwaangelinta

## First Call for Chittenden County

**802-488-7777**

Khadka Dhibaatada

24/7/365

# Adeegyada

## SIDA CAAWIMAAD LOO HELO

Cid kasta aayaas oo wici karta lambarka Xarunta Howard Center ee muhiimka ah, **802-488-6000**, si loo helo caawimaad. Markaad na soo wacdo, waxaa lagu weydiin doonaa sababta aad noo soo wacday, waxaana laga yaabaa inaad hesho macluumaaad ku saabsan kheyraadka bulsheed iyo shuruudaha u-qalmitaanka ee loogu talagalay barnaamijiyada kala duwan. Haddii loo baahdo oo la rabo, waxaa laguu qaban doonaa ballan si aad u marto qiimeyn taqashada.

Barnaamijka kooxaha dhibaatada ee guurguura ee Xarunta Howard Center ee furan 24/7/365, First Call for Chittenden County, waxay diyaar u tahay taageerada telefoonka gacanta, faragelinta fool-ka-foolka ah, iyo qiimeyn taqashada. Haddii aad joogto meel ka baxsan degmada Chittenden County oo aad u baahan tahay in lagaa taageero dhibaato ku haysato, waxaanu kugu xiri doonaa kheyraadka laga helo aaggaaga, maadaama degmo kasta oo ku dhex taala Vermont ay leedad hay adeeg u gaar ah.

Kadib qiimeyn taqashada ama dhibaatada, waxaa laga yaabaa in laguu gudbiyo hal ama in ka badan barnaamijiyada Xarunta Howard Center ama kheyraadka kale ee bulsheed, haddii loo baahdo. Maraka qaarkood, gudbinada aayaas oo toos ah u sameeyaa barnaamijka Xarunta Howard Center iyadoo aan la samayn qiimeyn bilowga ah; tusaale ahaan haddii aan dugsiga ka helno warqad soo gudbin. Hadduu jiro liis sugitaan oo loogu talagalay adeegyada la rabo, waxaad heli doontaa taageero inta aad sugayo. Marka adeegga Xarunta Howard Center uu bilowdo, waxaa laguu xilsaari doonaa bixiye aasaasi ah kaasoo kaala shaqayn doona go'aan ka gaarista baahiyahaaga iyo waxyaabaha aad doorbidayso. Si wadajir ah ayaad u dejin doontaan qorshe adeeg ama qorshe daaweyn oo la gaar yeelay. Bixiyahaagu wuxuu ka samayn karaa gudbino dheeraad ah gudaha Xarunta Howard Center ama kooxaha kale ee bulsheed haddii adeegyo ama taageerooyin kale aad u baahataan adiga ama xubin qoyseed.

Turjumaad luuqadeed oo toos ah aayaas diyaar u ah wicitaanada telefoon, ballamaha fool-ka-foolka ah, iyo adeegyada daryeelka caafimaadka ee fogaan-aragga ah.

Haddii adeegyada looga baahan yahay meel ka baxsan Xarunta Howard Center, waxaad sidoo kale garaaci kartaa 2-1-1 adoo adeegsanaya telefoonkaaga gacanta. Vermont 2-1-1 waa kheyraad gobolka oo dhan ka jira oo bixiya macluumaaadka iyo gudbinada loogu talagalay adeego kala duwan, oo ay ku jiraan shaqada, waxbarashada, daryeelka ilmaha, barnaamijiyada dawladda, kooxaha taageerada, gargaarka sharchiyeed, gaadiid-raaca, khaanadaha cuntada ee bulsheed, iyo kheyraadyada kale. Adeegga wuxuu furan yahay 24/7/365 waxaana looga soo wici karaa si maxalli ah meel kasta oo Vermont ka mid ah. Turjumaad luuqadeed oo tooska aayaas la heli karaa.

## QAABDHISMEEDKA HAY'ADEED

Xarunta Howard Center waxay bixisaa adeegyo kala duwan:

- Adeegyada Helitaanka iyo Diiwaangelinta
- Barnaamijyada Dhibaatooyinka
- Adeegyada Bukaan-socodka
- Taageerooyinka iyo Adeegyada Muddada-dheer
- Barnaamijyada Guriga iyo Bulshada
- Barnaamijyada Dugsiga
- Barnaamijyada Lagu Daaweyo Daawada

## FIKRADDA MACMIILKA

Inaad ku lug lahaato qorsheynta iyo qiimeynta adeegyada aad hesho waa qayb muhiim ah oo ka mid ah falsafada hay'adda. Waxaa jira dhowr siyaabood oo aan ku dhiirigelin doono inaad kaqayb qaadato.

Dhammaan macaamiisha, iyo xubnaha qoyska haddii ay ku habboon tahay oo uu oggolyahay macmiilka, waxay ka qayb qaadan doonaan dejinta qorsha-ha(yasha) adeegga. Kahor inta aan la bilaabin adeegyada, waxaad la kulmi doontaa bixiye si laguu qiimeeyo, waxaadna si wadajir ah go'aan uga gaari doontaan adeegyada kugu habboon. Bixiye aasaasi ah ayaa laguu xilsaari doonaa. Iyadoo ay ku xiran barnaamij-ka(yada), qofkan ayaa loogu yeeri karaa la-taliye, adeege bulsheed, daaweeye, maamule kiis, shaqaalaha taageerada, dhakhtarka, kalkaaliyaha, ama wax la mid ah. Bixiyahan ayaa kugu xiri doona daryeelkaaga. Adiga iyo bixiyahaaga waxaad dejin doontaan qorshe daryeel si loo daboolo baahiyahaaga gaarka ah. Adiga ayaa go'aan ka gaari doona waxa hadafyadaadu yihiin, tallaabooyinka aad rabto inaad qaado si aad u gaarto hadafyadan, iyo sida aad ku ogaan doonto inaad diyaar u tahay inaad u gudubto adeegyada kale ama inaad ka baxdo adeegga hay'adda. Bixiyahaaga ayaa kaa caawin doona inuu kuu gudbiyo adeegyada kale iyo/ama bixiyayaasha wadashaqaynta la leh haddii loo baahdo. Mararka qaarkood, macaamiisha ayaa dooran karaan inay dejyaan qorsheyaal gaar ah hadday xaaladdoodu ka sii darto ama ay la kulmaan dhibaato kale oo halis ah taasoo ku adkeynaysa inay go'aan gaaraan. Kuwaani waxaa loo yaqaanaa dardaaranada horudhaca ah. Haddii aad rabto macluumaaad dheeraad ah oo ku saabsan dardaaranada horudhaca ah, fadlan weydiiso bixiyahaaga.

Xarunta Howard Center waxay leedahay kooxo dhowr ah, oo loo yaqaano Guddiyada Joogtada ah, ee loogu talagalay macaamiisha iyo/ama qoysaskooda si ay jawaab-celin uga bixiyaan wixii adeegyadeena ah iyo fikradaha ku saabsan shaqada aan hadda hayno iyo halka ay mustaqbalka hiigsanayso Xarunta Howard Center. Guddiyada Joogtada ah ayaa kala ah. **Golaha La-talinta Qoyska, Shabakadda U-doodista Macmiilka, Guddiga Joogtada ah ee Adeegyada Korritaanka, iyo Guddiga La-talinta Adeegyada Isticmaalka**

**Maandooriyaha.** La hadal bixiyahaaga ama kala xirir Xarunta Howard Center lambarka muhiimka ah, **802-488-6000**, si aad u hesho maclummaad dheeraad ah. IntaaS waxaa dheer, in ka badan 50% oo ka mid ah Golaha Sare ee Xarunta Howard Center ayaa ka kooban macaamiisha ama xubnaha qoysaskooda.

Mid ka mid ah qaababka aan u qiimeyno adeegyadeena ayaa ah inaan isweydiino sida macaamiishu u qanacsan yihiin iyo inay adeegyada ay heleen ay caawiyeen. Wuxaan isticmaalnaa su'aalo xog-uruurin marka macaamiishu ay helayaan adeegyada oo aan la xiriirayno macaamiisha kadib markay qaataan adeegyada. Ka qayb qaadashadaada geedi-socodkan waa ikhtiyaari oo si weyn ayaa lagaaga mahadnaqayaa.

## **LACAGAHA LOOGU TALAGALAY ADEEGYADA**

Adeegyada Xarunta Howard Center waxaa la bixiyaa iyadoo loo marayo ilo maalgelineed oo kala duwan.

Noocyoo badan oo caymiska ka mid ah, oo ay ku jiraan Medicaid, ayaa la aqbalaa. Haddii aad caymis haysato, fadlan horay u soo qaado kaarkaga xilliga booqashada ugu horreysa, adoo la wato aqoonsigaaga (ID). La soco in qaar ka mid ah shirkadaha caymiska ay u baahan yihiin kharash wada-bixin. Haddii aadan caymis haysan, waxaan isticmaali doonaa halbeegga dakhliga si aan u dejino khidmadaha gaarka ah iyadoo lagu salaynayo xaaladdaada dhaqaale. Fadlan la soco in haddii aad doorato inaadan isticmaalin caymiskaaga, halbeegga dakhliga ee khidmadda inaadan isticmaali karin. Khidmadda ayaa laguu sharixi doonaa kahor inta aadan bilaabin inaad hesho adeegyada.

Xarunta Howard Center waxaa ka go'an inay la shaqayso macaamiisha, qoysaska, caymis-bixiyeyaasha caafimaadka, wakaaladaha maxalliga ah iyo kuwa gobolka, hay'adaha gaarka loo leeyahay, iyo ilo kale si loo helo maalgelinta lagu taageerayo adeegyada loo baahan yahay. Xaddidaadaha dhaqaale ma xaddidi doonaan helitaanka adeegyada.

**Haddii aad su'aalo ka qabto qaansheega, wac 802-488-6920.**





## **ABUURIDA JAWIGA AMMAANKA AH**

Xarun kasta oo Howard Center ah waxaa ku rakiban dab-bakhiyeaal iyo xirmooyinka gargaarka koowaad. Waxaa jira tilmaamo loogu talagalay bixitaanka degdeg ah oo lagu dhejiyo albaab kasta agtiisa. Goob kasta waxay leedahay qorshe daadgureyn gaar ah. Haddii aad jeelaan lahayd inaad hesho nuqulka qorshaha gurmadka degdega ah ee goobta, fadlan weydiiso bixiyahaaga. Carbisyada dab-demiska iyo borotokoolada badqabka xiritaanka goobta (sidoo kale lagu dhejiyo albaab kasta) ayaa si joogto ah loogu dhaqmaa.

Guud ahaan, waxaa jira ugu yaraan hal xubin oo ka mid ah shaqaalaha goob kasta oo loo tababaray dib u soo nooleyntra garaaca wadnaha (CPR) iyo gargaarka koowaad. Shaqaalaha ayaa sidoo kale la baray Taxaddarada Caalamiga ah. Haddii ay dhacdo xaaland uu qofku u baahdo daryeel caafimaad ama in la fuliyo Taxaddarada Caalamiga ah, macaamiishu waxay weydiisan karaan xubin ka mid ah shaqaalaha si uu u sameeyo. Tiro ka mid ah goobaha waxay leeyihiin qalabka koronto ee dib u soo kiciya garaaca wadnaha oo toos ah.

Xiriirka aanu la leenahay dadka aanu u adeegno wuxuu ku salaysan yahay isixtiraam iyo istixgelin. Inkastoo qaar ka mid ah sharciyadda iyo filashooyinka aan xusno laga yaabo inay soo rogaan qawaaniinta gobolka ama dawladda dhexe, hadafkeena ugu weyn waa inaan macaamiisheena u abuurno mahadho togan.

Habdhaqan isixtiraam ku dhisam ayaa laga filayaan macaamiisha iyo shaqaalaha. Wax hub ah lagama oggola gudaha dhismada hay'adeed. Ku haysashada iyo/ama ku dhex isticmaalka wax kasta iyo dhammaan daroogooyinka sharci-darrada ah gudaha dhismaha hay'adeed waa mamnuuc. Sida uu qabo sharciga Gobolka Vermont, ku isticmaalka baddeecadaha tubaakada ka samaysan oo dhan gudaha dhismayaasha hay'adda, gudaha iyo bannaanka labaduba, si adag ayaa loo mamnuucay marka laga reebo goobaha loo qoondeeyay ee qaar ka mid ah barnaamijyadeena hoyga. "Badeecadaha Ka Samaysan Tubaakada" waxaa ka mid ah dhammaan baddeecadaha tubaakada leh, sigaarka elektaroonigga ah, iyo baddeeco ama qalab kasta oo maamulka FDA aysan ansixinin. (Isticmaalka baddeecadaha nikotiinka beddelka u ah oo maamulka FDA ay ansixiyeen ee laga leeyahay ujeeddo joojin waa la oggolyahay). Haddii

aad rabto macluumaad dheeraad ah oo ku saabsan xogta isticmaalka tubaakada, kaalmada joojinta, ama inaad la hadasho khabiirkha joojinta, fadlan booqo **www.802quits.org** ama wac **1-800-784-8669**. Wixii dhigaalada dheeraadka ee daaweynta isticmaalka maandooriyaha ah, kala xiriir bixiyahaaga ama naga soo wac lambarka **802-488-6000**.



Xayawaanka haga dadka naafada ah, taageerada shucuureed/rabaayada wehelka ah, iyo xayawaanka haga dadka naafada ah ee tababarka ku jira waxaa lagu soo dhaweyn doonaa dhimaha hay'adda iyo inta badan nashaadyada hay'adda, tiro kasta oo xayawaanka haga dadka naafada ah oo ay shaqaalaha iyo macaamiisha keensadaan. Waxaa muhiim ah in la ogaado in inkastoo xayawaanka haga dadka naafada ah iyo kuwa tababarka ku jira in loo oggolyahay goobaha dadweynaha deggan yihiin, taageerada shucuureed/xayawaanka wehelka ah ma haystaan fursad la mid ah si loola soo galo si sharci ah. Booqo [www.ada.gov](http://www.ada.gov) si aad u hesho sharciyada iyo qawaaniinta khuseeya adeegga iyo taageerada shucuureed/xayawaanka wehelka ah.

Sida uu qabo Sharciga Naafada ee Maraykanka (ADA), xayawaanka haga dadka naafada ah ayaa lagu qeexaa "ey si gaar ah loogu tabobaray inuu qabto shaqo ama u qabto hawlo qof naafo ah." Xayawaanka haga dadka naafada ah ee tababarka ku jira waa la oggolyahay sida ku cad xeerka gelitaanka ee Vermont. Xayawaanada haga dadka naafada ah way kala duwan yihiin wayna kala weyn yihiin oo looma baahna in si muuqdo loo aqoonsan karo. Waa inuu xakameeyo mulkiilahooda oo xarig ku xiran yihiin mar walba haddii xirida xayawaanka aysan fargelin doonin in xakameeyaha laga caawiyo naafanimada xilliga nashaadka mooyee.

Waqtika-waqtii, waxaa laga yaabaa inaad ku aragto kooxaha daaweyya eeyaha oo ku sugaran dhismaheena kuwaasoo lagu martiqaaday inay soo booqdaan mid ka mid ah barnaamijyadeena. Maadaama laga yaabo inaadan garanaynин nooca eeyga ee laga yaabo inaad ku aragto Xarunta Howard Center, waxaa fiican inaad la hadasho xakameeyaha kahor inta aadan la macaamilin xayawaanka. Fadlan faham in qaar badan oo ka mid ah xayawaankaan inay ula joogaan qofka iska leh sababo naafanimo, marka waa muhiim inaadan ku mashquulin xayawaanka adoo u dhawaaqayo, cunto siinaya, ama isku dayaya xayawaanka inaad rabaayadayso.

# Xuquuqaha Macmiilka iyo Macluumaadka Sharciyeed

## QARSOODIDA MACLUUMAADKA

Sharciyadda dawladda dhexe iyo gobolka ayaa ilaaliya macluumaadkaaga qarsoodida ah. Ixtiraamida qarsoodida waa inoo muhiim. Waxaan u isticmaali doonaa oo aan u wadaagi doonaa macluumaadkaaga sababaha daaweynta caafimaadka, lacag-bixinta, iyo hawlgallada daryeelka caafimaadka, sida lagu qeexay *Ogeysiiskeena Ku Dhaqanka Xog-dhowrista*. Tani waxaa ka mid ah isticmaalka iyo bixinta macluumaadka caafimaadka ee adiga kugu saabsan si daaweynta iyo adeegyada aad hay'adda ka hesho loo ansixiyo, biil laguugu soo dallaco, iyo in biil lagu dallaco dhinac saddexaad sida shirkad caymis. Macluumaadka isticmaalka khamriga iyo maandooriyaha waxaa ilaalinaya xeerka 42 CFR Qaypta 2 waxaana laga yaabaa inaan la wadaagin ama la shaacin iyadoo oggolaansho qoraal ah oo gaar ah la haysan haddii si kale aysan u dhigin qawaaniinta mooyee.

Waxaa lagugula talinaya in marka ay jiraan arrimo sharciyed qaarkood, sida kuwaan soo socda, macluumaadka adiga ama qoyskaaga idinku saabsan waxaa la wadaagi doonaa fasax la'aan:

- Waxaa na faray sharciga Vermont inaan soo sheegno kiisaska dhabta ah ama kiisaska laga shaki qado ee xadgudubka, dayaca, ama dhiigmiirashada ee ay ku lug leyhiin carruurta iyo dadka waaweyn ee nugul.
- Waxaa la nooga baahan yahay inaan qaadno tallaabada ugu habboon haddii aad khatar ku jirtaan adiga, dadka kale, ama dadweynaha guud marka ay jirto xaalad caafimaad oo degdeg ah.
- Wuxaan xaq u leenahay inaan shaaca ka qaadno hanjabaadaha la rumeysan karo ee rabshadaha ama waxyeellada loo geystay dhibanneyaasha la aqoonsan karo, ama dadweynaha guud, oo ay ku jiraan dadka ama dhismooyinka.
- Mararka qaarkood, waxa laga yaabaa in la nooga baahdo inaan u hoggaansano amarka wictaan ee maxkamadda si aan markhaatu u noqono ama u bixino diiwaannada.
- Wuxaan shaaca ka qaadi doonaa macluumaadka caafimaadka ee adiga kugu saabsan markuu sidaasi na farayo sharciga dawladda dhexe, gobolka, ama deegaanka.

## XUQUUQAHADHADA MACAAMIISHA IYO QOYSASKA

Hadafka Howard Center waa in lagu bixiyo adeegyada iyo daaweynta jawiga ugu xaddidan ee la heli karo looguna bixiyo qaab falcelin leh oo ku habboon sifooyinka, baahiyaha, rabitaannada, iyo awooddaha kuu gaarka ah.

- Waxaad xaqq u leedahay in laguula dhaqmo si sharaf iyo ixtiraam leh mar kasta oo aad helayso adeegyada. Waxaad xaqq u leedahayinaad hesho daaweyn iyo daryeel buuxa oo bini'aadanimo ku jirto.
- Waxaad xaqq u leedahay adeegyo iyo taageero iyadoo la eegin midabka, diinta, jinsiga, asalka qarameedka, da'da, nooca galmaada, naafanimada, ama heerka HIV.
- Waxaad xaqq u leedahay in laguu sheego dhammaan siyaasadaha hay'adeed ee saameeya daaweynta lagugu sameynayo ama mahadhada adeegga. Weydii bixiyahaaga macluumaad dheeraad ah oo ku saabsan siyaasadaha hay'adeed ee gaarka ah.
- Waxaad xaqq u leedahay inaad nagula soo xiriirto luuqadda aad ku hadasho iyo nooca wadaxiriir ee aasaasiga kuu ah.
- Waxaad xaqq u leedahay in laguu sheego aqoonta iyo shahaadooyinka adeeg-bixiyahaaga. Dhakhaatiirta cilmi-nafsiga jirka ee shatiga haysta iyo kuwa diiwaangashan ayaa kuu sheegi doona aqoonta iyo shahaadooyinka ay haystaan muddo aahn ka dambayn wadaxiriirka saddexaad ee ay kula soo sameeyaan. Aqoonta iyo shahaadooyinka dhammaan xubnaha kale ee bixiya adeegga tooska ah ayaa lagu siin doonaa markaad codsato.
- Waxaad xaqq u leedahay inaad hesho macluumaadkku saabsan shuruudaha u-qalmitaanka iyo mudnaanta maalgelinta, adeegyada jira, barnaamijyada iyo hawladeenada, tilmaamaha xirfadeed, habdhaqanada maamul, iyo habraacyada cabashoooyinka iyo rafcaanka.
- Waxaad xaqq u leedahay inaad ka noqoto ka qayb qaate dejinta qorshe daaweyn ama taageero gaar ah oo ay ka qayb qaadan karaan hay'ado kale iyo in dib-u-eegis lagu sameeyo qorsheyaasha iyo diiwaanada caynkaas ah.
- Waxaad xaqq u leedahay inaad hesho oggolaasho laga warqabo iyo inaad kaqaybgasho DHAMMAAN go'aamada kuwaasoo dhidibada u taagaya hadafyada daaweyntaada, oo ay ku jiraan dookhyadaada khuseeya nooca daryeel-bixiyaha. Inta lagu gudajiro diiwaangelinta ama wakhti kasta oo la bixinayo adeegyada, waxaad u sheegi kartaa adeeg-bixiyahaaga waxa aad doorbidayso ee ku saabsan adeeg-bixinta, shaacinta macluumaadka, adeegyada la wada bixiyo, cidda ku jirta kooxda adeegga, iyo ku lug lahaanshaha mashaariicda cilmi-baarista, haddii la dabaqi karo.



- Waxaad xaq u leedahay inaad u hesho waqtii si waqtiyeysan, macluumaaadka muhiimka ah si aad u sahlanaato go'aan qaadashadaada.
- Waxaad xaq u leedahay xog-dhowris. Xogtaada waxaa ilaalina sharciga gobolka iyo dawladda dhexe marka laga reebo inay jiraan xaalado gaar ah oo la ogolyahay ama sharcigu farayo.
- Waxaad xaq u leedahay, ilaa xad inta sharcigu oggolyahay, inaad diido daawada ama habraacyo daaweyn oo gaar ah.
- Waxaad xaq u leedahay inaad si waqtiyeysan u hesho, iyo inaad hesho nuqulka diiwaannada caafimaadka ee aan soo saarno iyo/ama aan adiga kaa hayno, marka laga reebo mararka qaarkood. Codsashada diiwaannada waa in la oofiyo iyadoo aan sabab macquul ah aan dib loogu dhigin. Waxaad leedahay xuquuqo dheeraad ah oo khuseeya macluumaaadka caafimaadkaaga ee lagu xusay guaha *Ogeysiiska Habdhaqanada Xog-dhourista*.
- Waxaad xaq u leedahay dhammaan ilaalin shariyeed iyo geedi-socod shariyeed bukaan-socod iyo bukaan-jiif ahaan, ikhtiyaari iyo ikhtiyaari la'aanba, sida lagu qeexay sharciga Vermont.
- Waxaad xaq u leedahay inaad hesho ama laguu gudbiyo hay'adaha shariyeed si aad u hesho wakiil kugu habboon.
- Waxaad xaq u leedahay inaad hesho ama lagugu gudbiyo adeegyada is-caawinta iyo adeegyada taageerada u-doodista.
- Waxaad xaq u leedahay in la baaro lana xalliyoo xadgudub kasta oo la sheegay ee lagu sameeyay xuquuqahaaga.
- Ilmaha ama qaangaarka qaba dhibaato shucuureed oo aad u daran sida lagu qeexay xeerka ACT 264 ee u baahan adeegyada hal hay'ad ka badan ayaa xaq u leh dejinta Qorshaha Adeegyada La Isku-dubarido iyadoo loo marayo geedi-socodka qorsheynta kooxda

daaweynta. Haddii adiga waalid ahaan ama mas'uul ahaan aadan ku qanacsanayn isku-dubaridka adeegyada, racfaan ka qaadan kartaa sida waafaqsan xeerka ACT 264 iyadoo loo marayo Hay'adda Adeegyada Aadanaha.

Xuquuqahaas ka sokow, kaqaybgaleyaasha barnaamijyada qaarkood waxay lahaan karaan xuquuqo dheeraad ah ama xuquuqo si kale loo cayimay. Macaamiisha waxaa lagu wargeliyaa xuquuqdooda sannad walba ama mararka Gobolka ama hay'adaha kale ee maamulka ama sharciyeynta u baahan yihin in loo sheego.

Xuquuqahaan ugama baahna inuu xirfadlaha caafimaad, caafimaadka dhimirka, ama xirfadlaha adeegga inuu bixiyo daaweyn ka soo horjeeda go'aanka xirfadlaha haddii daawadu ay dhaafto heerka xirfadda ama adeegga loo arko mid waxyeello u geysanaya fayo-qabka qofka ama aysan dhaqaale ahaan awoodin hay'adda/ururka.

Midkoodna xuquuqaha kor ku xusan barnaamiju kama hor istaagayo in la dhimo ama meesha laga saaro adeegyada la siinayo qofka ay suurtagalka tahay inuu helo daaweynta ama adeegyada ku habboon haddii suurtagal u ahayn sabab la xiriirta diidmada qofku inuu oggolaado ama si macquul ah uga shaqeeyo sidii loo bixin lahaa adeegyada daryeelka ama adeegyada loo soo bandhigay.



## MAS'UULIYADAH MACAAMIISHA IYO QOYSASKA

Adeegyadu waxay wax-ku-ool yihii keliya markay wadashqayn ka dhexeyso macmiilkha iyo bixiyaha. Dhammaan dhinacyadu waa inay si buuxda u go'aansadaan inay gaaraan hadafyada daaweynta ama adeegga. Wuxaan ka codsaneynaa dhammaan macaamiisha inay ballan qaadaan waxyaabaha soo socda:

- Ka qayb qaadashada joogtada ah ee daaweynta ama adeegyada
- Xaadiritaanka joogtada ah ee booqashooyinka ama ballamaha la qorsheeyo
- Bixinta lacagta waqtiga adeegga marka khidmad toos ah lagu heshiiyo
- U xallinta khilaafaadka si macquul ah
- Wax hanjabaad muuqato ama afka ah, ama gardarro ah lama geysan karo
- Wax hub ah lagama oggola dhismaha hay'adda
- Ka qaadista sawwiyo ama duubista shaqaalaha hay'adda waxaa la iska rabaa in loo ahysto ogolaanshoda afka ah; shaqaalaha loogama baahna inay ku jiraan wax sawirro ama muuqalo ah
- Lama oggola in sigaar lagu cabu ama baddeecadaha tubaakada lagu isticmaalo gudaha dhismeyaasha hay'adda
- Lama oggola daroogo sharci-darro ah ama khamri in lala soo galo dhismaha hay'adda

Haddii waxyaabaha la filayo ee sare aan la raacin, hay'addu waxay xaq u leedahay inay joojiso ama xaddido adeegyada. Xuquuq kasta ama mudnaan kasta oo la xaddiday ama la hakiyay dib ayaa loogu soo celin karaa go'aanka hay'adda, iyadoo lagu salaynayo duruufaha gaarka ah iyo sababta xannibaadda ama joojinta loo sameeyay.

## SOO-KOOBISTA XEERKA ANSHAXA

Xarunta Howard Center waxay soo saartay Xeerka Anshaxa oo tafatiran oo la filayo inay u hoggaansamaan shaqaalaheeda. Soo-koobista filashooyinka anshaxeed ayaa hoos lagu qeexay.

- Shaqaalaha Xarunta Howard Center waxay ixtiraami doonaan oo kor u qadi doonaan xuquuqda macaamiisha si ay iskood wax uga go'aansadaan waxayna ka caawin doonaan macaamiisha inay aqoonsadaan oo ay caddeeyaan ujeeddooyinkooda.
- Shaqaalaha Xarunta Howard Center si bareer ah uguma samayn doonaan dhaqan dhibaatayn ama ceebayn ah dadka ay la macaamilan markay shaqaynayaan, iyagoo ku salaynayo da'da, jinsiga, isirka, qowmiyadda, asal qarameedka, diinta, nooca galimada, naafonimada, luuqadda, ama heerka dhaqan dhaqaale ee qofka.



- Shaqaalaha Xarunta Howard Center uma adeegsan doonaan nooc kasta oo aflagaado ah si qoraal ama afka ah.
- Shaqaalaha Xarunta Howard Center ma la samayn doonaan wax xiriir toos ah macaamiisha kaasoo aan ahayn mid shaqadooda khuseeya oo sababi kara waxyeello, oo ay ku jirto waxyeellada maskaxeed.
- Shaqaalaha Xarunta Howard Center waxay heli doonaan oggolaansho laga warqabo oo ku habboon daaweynta ama habraacyada la xiriira, marka laga reebo mararka awoodda oggolaanshaha ay su'aal ka taagan tahay.
- Shaqaalaha Xarunta Howard Center ayaa kuugu sharrix doonaan adeegyada la bixiyo iyo natijjooyinka ka soo baxa adeegyada noocan ah luuqad uu fahmi karo qofka qaadanayo adeegyadaas.
- Shaqaalaha Xarunta Howard Center waxay qaadi doonaan tallaabooyin ay u dejinayaan awoodaha habboon marka aysan macquul ahayn ama suurtagal ahayn in la iska ilaaliyo xiriirka bulsho ama xiriirka kale ee aan shaqada khuseyn oo lala yeesho macaamiisha, ardayda, kormeereyaasha, ama kaqaybgalayaasha cilmi-baarista. Mar kasta oo ay suurtogal tahay, shaqaalaha Howard Center waxay ka fogaan doonaan inay daaweeyaan macaamiisha kuuwaas oo lala lahaa xiriir hore oo sababi karo waxyeello ama xiriir galmo oo horay u jiray.
- Shaqaalaha Xarunta Howard Center waxay samayn doonaan dadaal kasta oo macquul ah si ay u qorsheeyaan daryeelka haddii ay dhacdo in adeegyada cilmi-nafsiga ay carqaladeeyaan arrimo ay ka mid yihiin jirro, dhimasho, ama xilliga ballanta la heli karo.
- Shaqaalaha Xarunta Howard Center ma cidlayn doonaan bukaanada ama macaamiisha. Shaqaalaha Xarunta Howard Center waxay si habboon u joojin doonaan xiriirka shaqo marka ay si macquul ah u caddaato in bukaanku ama macmiilku uusan u baahnayn adeegyo ama uusan ka faa'iidaysanayn adeegyada.

- Shaqaalaha Xarunta Howard Center ma geli doonaan, ma oggolaan doonaan, ama ma fududayn doonaan takoorka caddaalada baal marsan ee ku salaysan da'da, jinsiga, isirka, qowmiyadda, asal qarameedka, diinta, nooca galmada, naafonimada, luuqadدا, ama heerka dhaqan-dhaqaale.
- Shaqaalaha Xarunta Howard Center waxay ka wada hadli doonaan xaddidaadaha qarsoodida xogta, oo ay ku jiraan xaddidaadaha lagu dabaqi karo daawaynta kooxeed, dadka isqaba, iyo qoyska, ama la-talinta urureed.
- Shaqaalaha Xarunta Howard Center waxaa marka koowaad waajibka ka saaran tahay inay taxaddaraan si ay u ixtiraamaan xuquuqaha qarsoodida xogta ee dadka ay la macaamilaan ama la tashadaan, iyagoo aqoonsanaya in qarsoodida xogta lagu dhowro sharciga, xeerarka hay'adaha, ama xiriirada shaqo.
- Shaqaalaha Xarunta Howard Center waxaa looga baahan yahay inay soo sheegaan xadgudubka loo geysto carruurta iyo dadka waaweyn ee nugul iyo hanjabaadaha waxyello ay u geystaan naftooda, dadka kale, ama dadweynaha guud.
- Sida ugu dhaqsaha badan ee suurtogalka ah, shaqaalaha Xarunta Howard Center iyo bukaanka, macmiilka, ama adeeg-qaataha kale ee habboon waxay gaari doonaan heshiis qeexaya qabanqaabooyinka maaliyadeed iyo biilasha. Shaqaalaha Xarunta Howard Center ma iibin doonaan mana aqbali doonaan alaaboo ama adeegyo beddel u ah adeegyada la bixiyo. Shaqaalaha Xarunta Howard Center kama been-abuuri doonaan khidmadaha hay'adeed. Xarunta Howard Center kama qaybgeli doonto khidmad kala qebin.
- Shaqaalaha Xarunta Howard Center waxay samayn doonaan qiimaynada, adeegyada ogaanshaha xaaladda, ama faragelintaoo keliya iyadoo laga leeyahay ujeeddo guud oo la xiriirta shaqada la qeexay.
- Shaqaalaha Xarunta Howard Center ma aqbalaan wax hadiyado ah ama abaalmarino ah, oo ay ku jiraan kharashaadka lagu bixiyo shaqaalaha, oo qiimiheedu ka badan hayay \$25.00.

Werinta dhammaystiran oo Xeerka Anshaxa ee Xarunta Howard, oo ay ku jiraan soo-koobista sare, iyo sidoo kale mawduucyada kale, waxaad ka heli kartaa mareegtayada [www.howardcenter.org](http://www.howardcenter.org).

## **SIYAASADAH A YO HABRAACYADA CABASHADA IYO RACFAANKA MACMIILKA**

Macmiilka Xarunta Howard Center ahaan, waxaad xaq u leedahay inaad soo gudbiso cabashooyinka khuseeya adeegyada aad hesho. Wuxaan si xooggan kuugu dhiirigelinaynaa inaad codsato nuqulka dhammaystiran ee *Siyaasadaha iyo Habraacyada Cabashada iyo Racfaanka Macmiilka*, maadaama ay ku jiraan macluumaa tafatiran oo loogu talagalay inay kaa caawiyaan habraacyadan. La hadal daryeel-bixiyahaaga ama shaqaalaha soodhaweynta si aad u codsato macluumaa dheeraad ah. Si ay kuugu habboonaato, wuxaan siyaasadda ku soo koobnay dhowrka bog ee xiga.

### **SHARRAXAADAH A**

**Go'aamada Xun ee Macaashka:** waxaa loola jeedaa mid ka mid ah waxyaabahan soo socda:

- Diidmada ama oggolaanshaha xaddidan ee adeegga la codsaday, oo ay ku jiraan go'aamada khuseeya nooca ama heerka adeegga, shuruudaha baahiyaha caafimaad, habboonaanta, goobta, ama wax-ku-oolnimada adeegga la daboolo
- Dhimista, istaajinta, ama joojinta adeeg horay loo fasaxay
- Diidmada, gebi ahaan ama qayb ahaan, lacagta adeegga
- Ku guuldareysiga u bixinta adeegyada si waqtieysan, sida ay qeexday Hay'adda Adeegyada Aadanaha
- Ku guuldareysiga in lagu dhaqmo waqtiyafa cayiman ee khuseeya xallinta caadiga ah ee cabashooyinka iyo rafcaannada
- Diidmada codsiga samadheefsadaha si uu u helo adeegyo ka baxsan shabakadda
- Diidmada codsiga samadheefsadaha si uu dacwad uga keeno mas'uuliyadda maaliyadeed, oo ay ku jiraan kharash wadaagista, isla bixinta kharashka caymiska, lacagaha go'an ee caymiska, lacagaha caymiska ee la iska jaro, iyo mas'uuliyadaha kale ee samadheefsadaha

**Racfaanka (wuxuu khuseeyaa shaqsiyaadka haysta Medicaid):** Codsiga rasmiga ah oo afka ah ama qoraal ah oo laga helo macmiilka oo ku socda hay'adda si ay dib-u-eegis loogu sameeyo go'aamada xun ee macaashka Racfaanka la dedejiyo waa rafcaan ku jira xaalad degdeg ah oo halis weyn gelin karta nolosha; caafimaadka ee macmiilka; ama awoodda lagu helo, lagu joogteeyo, ama dib loogu helo adeegga oo buuxa.

**Wakiilka idman:** Shakhs, uu magacaabay macmiilka ama oggolaaday sharciga gobolka, oo metelayo macmiilka si uu u gaaro go'aan ama wax uga qabto heer kasta ay joogaan

cabashada ama geedi-socodka racfaanka. Haddii aan si kale loo sheegin, wakiilka idman ayaa awood u leh dhammaan xuquuqaha iyo waajibaadyada macmiilka uu matalayo.

**Dacwad-dhageysiga Caddaalada ah:** Kani waa geedi-socod la mid ah midka maxkadda oo kale kaasoo macaamilka iyo hay'adda u xilsaaran uu dhinac kasta is difaacayo oo u soo bandhigayaan sida ay xaaladda u arkaan sarkaalka dacwad-dhegaysi oo xirfadlaha ah. Dacwad-dhageysiga caddaalada ah ayaa la heli karaa oo keliya kadib marka macmiilku uu soo maro geedi-socodka cabasho ee Xarunta Howard Center ee ay khuseeyso go'aamada xun ee macaahska.

**Cabashooyinka:** muujinta afka ah ama qoraalka ah ee qanacsanaanta macaamilka ee ku saabsan arrin kasta oo aan ahayn go'aamada xun ee macaashka.

**Dib-u-eegista Cabashada:** Dib-u-eegista gudaha ah ee geedi-socodka go'aan ka gaarista cabashada ee ay ugu sameeyaan qolo saddexaad si aan eex lahayn gudaha Xarunta Howard Center.

## SIYAASADDA

Cabashada ama rafcaanka si habboon ayaa dib loogu eegi doonaa waxaana la siin doonaa tixgalin waqtieysan. Macaamiisha, iyo/ama mas'uuliyiinta, haddii ay khuseyso, waxaa lagu wargelin doonaa siyaasadda iyo habraacyada cabashada iyo rafcaanka ee hay'adda marka la diiwaangelinayo iyo sannad walba wixii waqtigaas ka dambeey, ama marar kala duwan haddii qandaraasyo gaar ah ay si awood leh u sheegaan. Siyaasadda iyo habraacyada sidoo kale waxaa lagu dhejin doonaa goobaha adeegga waxaana la gelin mareegaha hay'adda. Intaas waxaa dheer, dhammaan shaqaalaha waxaa la bari doonaa siyaasadda iyo habraacyada cabashada iyo rafcaanka macaamilka marka la shaqaalaysiinayo iyo sannad kasta wixii waqtigaas ka dambeey. Shakhxiyaad kasta oo bilaabaya ama raadsanaya cabasho ama rafcaan waxay ka xor ka yihiin in loo geysto wax aargoosi ah. Wixii su'aalo ah oo la xiriira siyaasaddan ama habraacyadan waa in lagu hagaajiyyaa Agaasimaha Maaraynta Macluumaadka iyo U Hogaansanaanta Siyaasadda ee Xarunta Howard Center. Waxaa jira afar wakiil hay'adeed oo dheeraad ah si loo hubiyo u hoggaansanaanta siyaasaddan. Agaasimaha Maareynta Macluumaadka iyo U Hogaansanaanta Siyaasadda ayaa noqon doona Isuduuhaha cabashooyinka iyo rafcaannada ee guud ahaan Xarunta Howard Center wuxuuna mas'uul ka yahay hubinta wax ka qabashada waqtiyaysan iyo xallinta dhammaan cabashooyinka iyo rafcaannada. Dhammaan wadahadala khuseeya geedi-socodka go'aaminta cabashada ama rafcaanka ayaa laga qarin doonaa dadweynaha guud ama dhinacyada saddexaad, haddii uusan sida kale codsan macmiilku.

Haddii aad aaminsantahay in xuquuqdaada khaaska ah lagu xadgudbay, waxaad cabasho u gudbin kartaa hay'adda ama Xoghayaha Wakaalada Adeegyada Aadanaha ee Vermont. Si aad cabasho ugu gudbiso hay'adda, kala xiriir lambarka Khadka Tooska ah ee Telefoonka ee hoos ku qoran. Fadlan ogow in cabashooyinka qarsoodida ah loo maareeyo sida uu dhigayo sharciga dawladda dhexe oo aan wax looga qaban geedi-socodka cabashada ee hay'adda.

Macaamiisha barnaamijka Park Street Program iyo barnaamijka Transitional Housing Program waxay leeyihiin xuquuqo cabasho oo dheeraad ah oo ku qoran gudaha siyaasadda hay'adda ee Xeerka Ciribtirka Kufsiga Xabsiga(PREA). Foomka cabashada PREA waxaa laga heli karaa mareegta [www.howardcenter.org](http://www.howardcenter.org).

Waqtiyada cayiman iyo shuruudaha u gaarka ah waaxda way kala duwanaan karaan iyadoo ku xiran tahay nooca barnaamij ee cabashada ama rafcaanku ka dhacayo. Wakiilka cabashada iyo rafcaanka ee la magacaabay ayaa mas'uul ka noqon doona dib-u-eegista iyo u hoggaansanaanta shuruudaha waaxda ee kala duwan, marka aan lagu qeexin gudaha siyaasaddan.

Waqti kasta, qofka shaqaalaha ah ama macmiilka ayaa la xiriiri karaa Khadka Tooska ah ee U Hoggaansanaanta Siyaasadda isagoo wacaya 802-488-7195 si uu ugu reebo farriinta codka ah ee qarsoodida ah. Kuwaani ayaa noqon kara qarsoodi. Dhammaan wicitaanada waa la qiri doonaa waana la baari doonaa

Nuqullada buuxa ee siyaasadda iyo habraacyada hay'adda ayaa diyaar u ah macmiil kasta hadduu codsado.

## **XAFIISKA SHARCIYEENTA XIRFADLEYAASHA – QABASHADA IYO GEEDI-SOCODKA CABASHADA**

Xafiiska Xoghayaha Gobolka Vermont ee Nidaaminta Xirfadlayaasha ayaa bixiya shatiyada, shahaadooyinka, iyo diiwaangelinada Vermont ee loogu talagalay in ka badan 37,000 oo xirfadleyaal ah iyo ganacsiyo ah.

Xirfad kasta ama shaqo kasta waxaa maamula shariyo qeexaya anshaxa xirfadeed. Haddii tani ay khusayso bixiyahaaga ku sugar Xarunta Howard Center, isaga ama iyada ayaa ku siin doona nuqulka Foomka Shaacinta iyo qawaaniinta khuseeya. Wuxaan ka heli kartaa nuqulka qawaaniinta gaarka ah mareegta Xafiiska Xoghayaha Gobolka Vermont ee Nidaaminta Xirfadlayaasha <https://sos.vermont.gov/opr/>.

Macaamiisha rabta inay dacwoodaan waxay sidaasi ka samayn karaan mareegta Xafiiska Nidaaminta Xirfadlayaasha iyagoo booqanaya <https://sos.vermont.gov opr/complaints-conduct-discipline/>. Si aad u hesho macluumaaad dheeraad ah waxaad la xiriiri kartaa Xafiiska Nidaaminta Xirfadlayaasha adoo qoraal u diraya ama wacaya:

Office of Professional Regulation  
89 Main Street, 3rd Floor  
Montpelier, VT 05620-3402  
**802-828-1505**

Marka la helo cabashada, dib-u-eegis maamul ayaa lagu go'aaminaya in arrimaha laga cawday uu daboolayo qaantuunka anshaxa xirfadeed ee khuseeya. Hadduu daboolayo, guddi ayaa loo xilsaaraa si ay u soo baaraan, u soo uruuriyaan macluumaaad, waxayna u soo jeediyaan tallaabada ama u soo bandhigaan golaha maamul ee ku habboon.

Dhammaan baaritaanada cabashooyinka waa qarsoodi. Haddii baaritaanka lagu soo gabagabeeyo go'aan anshax-marin oo ka dhan ah shatiga xirfadlaha iyo kartida shaqo, magaca qofka shatiga haysta ayaa la shaacin doonaa.

Tallaabada anshax-marinta ee loo maro Xafiiska Nidaaminta Xirfadlayaasha waxay u dhexaysaa canaan ilaa kala laabashada shatiga, balse kuma lug lahan magdhow lacageed, marka laga reebo arrimaha qaarkood. Magdhow lacageed waxaa loo mari karaa qareennada gaarka ah, maxkamadaha qaansheegashada ee yaryar, ama Qaybta Ilaalinta Macmiilka ee Xafiiska Xeer Ilaaliyaha Guud.

# FOOMKA TALADA MACMILKA

(nuqulka waxaa loogu talagalay in la tixraaco oo keliya)



## Talada Macmiilka

- \* Go'aanka aad ku isticmaalayso adeegyadeena waa ikhiyaari.
- \* Adeegyada Xarunta Howard Center waa mid ku timid dadaal iskaashi oo ka dhex mara macmiilka iyo bixiyaha. Inkastoo aan ku kalsoonahay in adeegyadeenu ay faa'iido kuu lahaan doonaan, ma jirto wax aan dammaanad qaadayno oo ku saabsan natijjooyinka ka dhasha daaweynta, qiimeyeenta, ama taageerada
- \* Barnaamijyada qaarkood ayaa laga yaabaa inay adeegsadaan daaweyno ama farsamooyin inta lagu jiro xilliga daaweynta sida khilaawaha, yoogada, ama raajada la hago. Bixiyahaaga ayaa arrintan si faahfaahsan kaagala hadli doona haddii aad doonayso inaad hesho mid ka mid ah adeegyadaan.

## Xaqijiinta Shaacinta ee Macmiilka

Waxa la i soo jiitay Xarunta Howard Center oo ay ku jiraan:

1. Himilada iyo Aragtida
2. Saacadaha Shaqada, oo ay ku jiraan Adeegyada Dhibaatada
3. Sida Loo Helo Adeegyada iyo Qaabdhismeedka Hay'adeed
4. Fikradda Macmiilka
5. Lacagaha Adeegyada
6. Abuurida Jawiga Ammaanka ah
7. Qarsoodida Macluumaadka
8. Xuquuqaha Macaamiisha iyo Qoysaska
9. Mas'uulyadaha Macaamiisha iyo Qoysaska
10. Soo-koobista Xeerka Anshaxa
11. Siyaasadaha iyo Habraacyada Cabashada, Utunta, iyo Racfaanka Macmiilka
12. Xafiiska Sharciyeenta Xirfadleyasha - Qabashada iyo Geedi-socodka Cabashada
13. Aqoonta iyo cilmiga adeeg-bixiyahayga
14. Waddada laga baxo xilliga gurmadka degdeggaa aj iyo goobta dab-baqtiyuhu ka yaalo dhismaha
15. Ogeysiiska Habdhaqanada Xog-dhowrista

*Waa la ila socodsiiyay macluumaadka kor ku xusan waana fabmay waxaana oggolaanayaa waxa uu macluumaadka dbigayo.*



2015-kii, Xarunta Howard Center waxay bilawday in ay bixiso barnaamijyo  
**lacag la'aan ah oo u furan dadweynaha, taxane waxbarasho oo loogu talagalay xilliga gu'ga iyo deyrta** oo qayb


ka ah himiladeena iyo adeegayada bulsheed si aan gacan uga geysano waxbarida, wargelinta, dhimida fonqorta, iyo kordhinta wacyiga ku aadan noocyada kala duwan ee mawduucyada caafimaadka la xiriira.

Waxaan aqoonsannahay in iyadoo faham dhammaystiran laga haysto caqabadaha caafimaadka, aan gacan ka geysan karno qaabeynta bulsho faham iyo ku lug lahaansho buuxa samayso. Bandhigiyada fiidiyow ahaan ayaa loo duubaa waxaana laga heli karaa barta [www.howardcenter.org](http://www.howardcenter.org).

**Fadlan ku soo biir mid kasta oo ka mid ah munaasabahaha waxbarashada bulsheed. Si aad u hesho macluumaad dheeraad ah, booqo [howardcenter.org](http://howardcenter.org).**

---



**Kooxda Farshaxanka ee Xarunta Howard Center** waa koox farshaxamiisteyalaa qaangaar ah oo leh xirfado kala duwan kuwaasoo mahadho kala kulmay xannuunada dhimirka iyo/ama caqabadaha isticmaalka muqaadaraadka, iyagoo adeegsanaya khibradooda shakhsiyeed, qoyseed ama asxaabeed, ama shaqeed. Waxaan u shaqaynaa si wadajir ah si aan u hubino inay jiraan fursado ay farshaxamiisteyashu isku xiririn karaan, aburi karaan, oo ku soo bandhikaraan farshaxankooda.



Rafad Amjed

**Haddii aad raadinayso bulsho baraarugsan si aad u taageerto oo u kobciso hal-abuurkaaga, iimayl noogu soo dir barta [artscollective@howardcenter.org](mailto:artscollective@howardcenter.org).**

# HELP IS HERE.



We respect **WOMEN, MEN** and **NON-BINARY PEOPLE** •  
We value **BLACK LIVES** • We stand with our **LGBTQIA+**  
**COMMUNITY MEMBERS** • We celebrate **CHILDREN** • We  
stand with **IMMIGRANTS, REFUGEES, INDIGENOUS PEOPLES**,  
and **PEOPLE OF ALL FAITHS** and **ETHNICITIES** • We support  
**INDIVIDUALS** and **FAMILIES** challenged by mental health,  
substance use, and developmental disabilities.

*We stand with our **COMMUNITY**.*

HATE HAS NO BUSINESS HERE.  
**All Are Welcome Here.**

الجميع مرحب به هنا • Tất cả đều được chào đón ở đây  
Tout le monde est le bienvenu ici • အာဝါးမျိုး ဒေတာပုံ မြို့နယ်ထဲ  
Dadka kulushoo ha dhawaatheeen • Ovdje su svi dobrodošli

歡迎各位 • Dhammaan waa la soo dhaweynayaa  
Wote wanakubaliwa hapa • Todos son bienvenidos aquí  
Сви су добродошли овде • ສີ ຕຳກຳ ຂະເທດລາວ ດັບຕໍ່ສັງລັບ  
সবৈ জনালাই যাহোঁ স্বাগত আ।



**HOWARD**  
**CENTER**  
Help is here.

TAN IYO 1865